

Crac. Acad. Univ. Jagell.  
Promotiones Ordo Theologorum

1603. 30 Januarii.



katkomp

1168

L. Mag. St. Dr.

P

Boenya 2871.

Opatorii Adamii: Urania sacra iive Lau-  
reac doctorales Theologice.



D

H  
S  
A

834.



Vrania Sacra  
SIVE  
LAVREÆ  
DOCTORALES  
THEOLOGICÆ

Quæ 30. Ianuarij. Anno Domini, 1603.  
conferentur, R. D.

BASILIO GOLINIO, PRÆP. S. Flor.

STANISLAO BATCOVIO, Can. C.

ADAMO FALECIO, Decano S. Flor.

Gratulante,

*M. Adamo Opatowio.*



CRACOVIAE,  
In officina Typographica LAZARI.

DOCTORALES  
THEOLOGICAE

Quod si inquit, Anno 1711, 1663  
R. D.  
Petrus Gersonius, Rector Scholae  
Stimulus Bystrovius, C. C.  
Adrianus Farnagius, P. C.



1811 R. 4. 5. 1168 I



# VRANIA.

**Q**Vis languor? quis lethæus sopor alligat artus?  
Quæ tam dira lues membris afflata beatis  
Arctoo constricta gelu tenet ora sororum?  
Et prohibet numeris modulatas reddere voces?  
An quæ dite facem curarum in pectora torfit,  
Eumenidum facies formæ certamina spargens?  
An né festa dies sacrisque dicata Camœnis  
Quaque virum solers prudentia rebus in altis,  
Nominis & laudum titulos exoptat habere,  
Vllo Musarum cantu celebrata niteret?  
Fare age Calliope nostro dulcissima cordi.

**CALLI:** Tu quæ fidereos tractus & gemmea tecta  
Incolis, & quæ sit diuûm sententia pandis:  
Dic age, nec tacitæ mirere silentia turbæ,  
Non fas est diuina modis celebrare profanis,  
Et quæ Pierio non sunt audita sub antro.  
Quare pande soror sacro stimolata furore,  
Ordine cur longo capiunt subsellia ciuem  
Ædibus ex propriis augusta ad templa ruentem?

**VRAN:** Dicam, nec me quo dignaris honore nega-  
Vrbem quam cernis turres & tecta sub astris (bo:  
Condere, & Istulæ aquas circum se voluere lentas;  
Firmauit fundamentis opulencia Craci,  
Appellans iam tum surgentia mœnia Cracam.  
Longa dehinc Regum series labentibus annis,  
Certatim cupiens monumenta relinquere sceptri



*Vnnia sacra.*

Ornauit faxis componens templa recisis,  
Aut arcis turres, Regumque palatia ad auras  
Educens cæli, aut consternens marmore tecta :  
Sed tanto reliquis melius duo lumina Regum,  
(Liuida quæ nunquam carpent obliuia, doctis  
Dum locus hac vrbe, & statio gratissima Musis,)  
Casmirus & primus Litauâ de gente Iagello  
Ornarunt, nobis, Phœboque ad regna vocatis,  
Moribus vt sæuis horrentia pectora gentis  
Mitia præceptis rebusque secunda gerendis  
Præstaret nostrum solers & sedula cura :  
Et dum vos durum callem virtutis agendæ  
Et fortes animos pro libertate gerendos  
Monstratis, dictis animos & corda regentes,  
Diuûm ego stelliferas sedes candentis Olympi  
Incolo, fatorum currentia stamina cernens,  
Et quæ Rex Diuûm celeres mandata per auras  
Terrigenis deferre iubet, Cyllenia tanquam  
Proles carpo viam, atque æterna oracula pando :  
Abstrusos diuinarum longosque recessus  
Euoluens rerum, & veros pietatis auitæ  
Sensus enarrans, coecis quos merfit in vmbris  
Gens Cocyti exorta lacu, studiosa nouandi  
Antiquos ritus in religione probatos :  
Vnquam neué stygis sæui quassata procellis  
Tam pia sacrarum rerum doctrina periret,  
Aônio coetu magno pietatis amore

Deligo



Deligo flagrantefque viros rerumque peritos,  
His ego demando doctrinae arcana perennis  
Mente procul posito fastu cognoscere, nec non  
Christicolum mentes studiis accendere sacris.  
Quaeque vias inter spatiosas semita caeli,  
Angusto monstrat felices tramite sedes,  
Declarare volo, exemplis sanctisque praere.  
Istis quaeque vides iam sunt solennia magnis  
Nominibus Doctorum, amplis titulisque dicata.  
Haec pia Maestas Regis; Regnique Senatus;  
Imperiique insigne, horrendum & fulmen in armis,  
Nobilium splendor Martis certamine partus;  
Et grauidae populis vrbes, & moenia Craci;  
Et quae plebs validis proscindit prata iuuentis;  
Craciadumque omnes, tanto dignantur honore,  
Vt sua posthabeant illorum seria laude,  
Effusi que ruant priuato limine, in hasce  
Ornatas Regum Titulis & moenibus aedes.

CAL: Siccine dum coetus lustras Helicone morantes  
Pectora terna virum doctrinis deligis istis.

VRAN: O mihi luce magis soli dilecta sororum  
Calliope, hoc dicto, hoc obductos corde nouasti  
Infandos luctus, & funera moesta meorum;  
Quae tu, quae nostrae grauius fleuere sorores,  
Vt sparsi colles lachrymarum fonte maderent,  
Et pulsae valles gemitus super astra referrent.  
Septenum tardo Saturnus cardine gressum



*Unnia sacra.*

Euoluit Lehi vt latis confedimus aruis  
Tempore vix tanto paucos transegimus annos,  
Quo non dira lues tenebrosis mergeret vndis  
Millia multa virum patriis aptissima bellis:  
Sæua tamen timuit grassari limine docto.  
Sed postquam hanc fatias tumultorum cœpit inertum,  
Spargere lethales auras, & tabe fluentes,  
Fumantesque faces pestem in præcordia cœpit  
Coniicere, & sapientum ad manes mittere stragem.  
O nullum miserata malum, fors aspera semper!  
O facies atrox leti; ô crudelia fata!  
Mors auidos omnes expandens oris hiatus  
Septenas pompas sapientum duxit ad Orcum:  
Nec cessante lue est tantis satiata ruinis,  
Funera funeribus pergit cumulare scelestâ  
Vltima Doctorum rumpens duo fila meorum.  
Quare sacrarum locuples sapientia rerum,  
Ne viduata suis vnquam cultoribus esset,  
Excultos pietate viros doctrina & ab omni  
Delegi, deserta trium supplere viratu  
Munera sacra volens: numero Deus impare gaudet,  
Annuat & cœptis triadis sub imagine sacra.  
CALL: Est hoc, vt dicis, placataq; Numina doctis,  
Iam meliora dabunt, iam tempora lata reuoluent.  
Sed, quis hic est vultus præclaræ mentis imago,  
Et quem tu primo reliquis dignaris honore?

VRAN: Hic ille est, vestris longum versatus in antris

Colli



*Omnia Sacra.*

Gollinius, toties diuini Heliconis ad umbras  
Arguto blandos impellens pectine nervos :  
Vatidico & sacros libans de fonte liquores,  
Iu cundumque sonans Parnasso errabat amœno,  
Quem Charites vinctis manibus plaudente chorœa,  
Motibus & lætis comitata est turba fororum :  
Et pater vt Phœbus tantâ dulcedine cantus  
Ore ciere videt, vatis concessit honorem,  
Tempora præcingens Lauri de fronde corona.  
Huius Sarmatidum terris Aquilonis ad ortus  
Graiugenæ Musæ, si viuant, ore loquentur.  
Attica, cui Græci sermonis suada Venusque  
Ipsa sales dulcesque suos largita lepôres.  
Hic mandata Dei vatumque oracula sancta,  
Et quos rex Psaltes numeros discrimine septem  
Diuisit fidium, cælestia numina placans,  
Pandere voce potest, doctus sermonis Hebræi,  
Et quæ sint ipsis mysteria consona verbis  
Ipse probare potest; fuerint si dissona, solus  
Confutare potest; tenebrasque hac luce fugare.  
His tribus & linguis multâque edoctus ab arte  
Gollinius noster, meritos iam sumat honores.  
Tresque velut Charites nexæ complexibus artus,  
Et se & cuncta fouent spirantes pectore amorem :  
Munere sic terno linguarum ornatus & ille,  
Omnes complexus tenero seruabit amore.  
Quodque diu aulæi cælestis curia terna,

Terri-



*Omnia sacra.*

Terrigenis vacuas sedes implere peroptat.  
Gollinius terno linguarum munere soluet  
Victor lætantes ducens super astra cohortes :  
Ducat & ipse polos vtinam transcendat vtrosque  
Annue tuque soror faueant vt ea omnia votis. (tis

CALL : Annuo, teque sequor, faueant vt ea omnia vo-  
Numina magna precans. Votis pia numina adeste.  
Quid cuius faciem veteri gratuitate decoram  
Intueor; noscens formæ simulachra latentis,  
Num te num paucis verbis memorare pigebit?

VRAN : Me verò pigeat numeris celebrare minutis  
Digna Sophocleo cuius benefacta cothurno,  
Et quem vos vestris pluris fecistis ocellis,  
Rursus & ille suâ pluris vos luce putauit,  
Hoc quodcunque virum, quod secula prisca tulerunt.  
Artibus aut insigne fuit candoreque morum,  
Vno ceu locuplete penu complexa fouentur.  
Hic locuples iugique fluens facundia riuo  
Pondera magna sonans rerum sermone nitenti.  
Hic rerum quæ sunt longo retrusa recessu  
Quæ stupet & turba & vulgus mediocre scholarum,  
Cognitio quarum Doctos perplexa fatigat  
Ponderibus rationum exculta Sophismata habentur.  
Hic mandata Dei internis insculpta tabellis,  
Spirantis flammæ animi cælestis amoris,  
Momenta hic rationum sunt meditata dolosa,  
Quæ gens noctiuaga & surgens de nocte latronum,

Circa



*Venia sacra.*

Circa Christicolûm saltus vineta que tendit.  
Hic doctrina Patrum felici mente reposita,  
Et flagrans studium pietatis amore calescens,  
Quo mentes illæ ardebant, monumenta que quarum  
Huius contorquent faculas in corda caloris.  
Hic chorus illustris virtutum mente refulgens,  
Quo nova se produnt probitatum exempla, bonique;  
Queis ornat Mystes Christi sanctissima templa,  
Gymnasium que ornat Craci multâ arte professor.  
Cætera si memorem magnum pelagus sit arandum,  
Hoc vnum memorans si dixero, cætera mittam.  
Regna securigera ut gaudebant ciue Catone,  
Dum Prætor, Consul, tandem Induperator, auitos  
Imperii fasces, armatos iure bonoque  
Gessit, & antiquo vitam de more labantem  
Erexit Censor, primum & deduxit in usum;  
Sic nunc Pierii plaudunt subsellia Regni,  
Dum sua Bæticiæ redduntur præmia laudi,  
Et rerum doctor sacrarum sumit habenas.  
Eriget hic vitæ normas Academicæ in usum,  
Nec squallere sinet fluxas aut labier ultra.  
Atque Quirinus uti, versæ si in viscera quando  
Romulidum vires, sistit se à parte Senatus.  
Sic si contingat mentes sæuire procellis,  
Opprimet hic noster cunctas, solemque reducet.  
Vsuram que Quirinus uti sibi lucis ademit,  
Libera quod legum violari iura videret:



*Unnia sacm.*

Sic noster diris mallet se tradere poenis,  
Quàm libertatis violatas cernere leges.  
Quare Sarmaticus Romano laude Catoni  
Æqualis, titulos Doctorem & nomina sumat,  
Et tantis animis similis contendat haberi.  
Hoc vestris fufis concordēs voluite Parcæ,  
Annue tu quæ soror, faueant vt ea omnia votis.

CAL: Annuo, te quæ fequor, faueant vt ea omnia votis.  
Numina magna precans, Votis pia numina adefte.  
Sed Falentiadæ laudes, extrema laboris  
Pars tua iam promat, meditata carmine dulci.

VRAN: Hoc equidem germana lubens præftare ftu-  
Namq; fatebor enim poft vltima fata meorum, (debo.  
Cum varias animo curas afflicta dolore  
Iactarem, luftrans oculis doctrinam animosq;  
Aonio in coetu, quærens ad munera tanta.  
Maturos ætate viros, fine felle, dolo quæ,  
Noftros hic vnus fenfus eft fæpè moratus,  
Semper & abfterfit lachrymas, curas quæ leuauit,  
Occultas quæ fui flammās in pectora fparfit;  
Ante alios multâ prodens fe Palladis arte,  
Deuotâ quæ Diis, pariter virtute forenfi.  
Terrarum quæ velut dominis Roma inclyta regnans,  
Abfterfit fordes curis quæ leuata reuixit,  
Poftquàm Scipiades exhaustam ftrage Quiritum,  
Magnanimumq; Ducum, patriæ ftimulatus amore,  
Induperatoris fufcepit munera magna.

Sic



Sic nunc lætantes motus, & gaudia mente  
Concipio, curarum expers lachrymasq; perosa,  
Sedes cùm cerno nudatas morte virorum  
Ingenium Falentiadæ exornare politum,  
Qui geminâ reliquis virtutum lampade splendet,  
Inter luna velut flammæ Titanque minores,  
Iudicio veterum, & docta ratione sophorum,  
Et curandarû rerum ingenioque forensi;  
Quæ duo, res omnes firment si robora iunctim,  
Res omnes cælos pertingent vertice summo,  
Nec sæuim flantes metuent Aquilone procellas,  
Nec si Mirmidonum Dolopumue exercitus adsit.  
Nec si acies ducat Mauortia Roma Quiritum.  
Quid non hac geminâ virtute Falencius vnquam  
Audebit magnum, proprio discrimine vitæ?  
Hic acie ingenii strictâ tela improba franget,  
Quæ tenet adducto prædonum Tartarus arcu,  
Imbuet hic Christo deuotas nectare mentes,  
Ambrosiæq; cibus enutriet ipse beatis,  
Omnia quæq; ferent Diuini dogmatis artes  
Suscipiet validis humeris hic cælifer Atlas,  
Cunctaque felici donabit sine recepta.  
Hic simul antiquas laudes & facta parentum,  
Ordinibus magnis hominum permixtus adibit,  
Cùm prudens pulchrâ pro libertate loquetur,  
Principibusq; viris animos accendat amore  
Ornandi veteres musas, loca prisca Licæi,



*Omnia sacra.*

Magnæ vbi funduntur fœcundi pectoris artes,  
Scipiadaq; velut bellis & fortibus ausis  
Romula res creuit Poenis Carthagine ademptâ.  
Sicq; viro hoc, famâ meritisque Academia crescet,  
Dum iuri patrio forsan si quid sit ademptum,  
Ædibus excedens repeter conamine multo.  
His ego iam nostras laurus virtutibus amplis  
Impono, clarâ signans in imagine clarum  
Doctorem legis sacrae, rerumque peritum.  
Quod vos ô superi fato firmate perenni,  
In terrisque quibus studiis reuerentia vestri  
Augetur, lateque animis mandata fouetur,  
Hæc vestro longum vigeant adiuta fauore,  
Et date, quæ votis optamus læta benigni.  
Hoc etiam fufis concordēs voluite Parca,  
Annue tuq; soror, faueant vt ea omnia votis.

CAL: Annuo, teq; sequor, faueant vt ea omnia votis.  
Numina magna precans : Votis pia numina adeste:  
Et date felices superent vt secla nepotum.





tis.

Biblioteka Jagiellońska



stdr0025865



